

LA USC DI LADINS – VENERDI' 23 DICEMBRE 2016

Porvé fora l'ejam de trilinguism

Tl mëis de jená 2017 é la poscibilité da porvé fora l'ejam de ladin por le trilinguism, aladò dl conzet nù che vá en forza l'ater ann. Porsones che á interes pó s'anunzié

Lingaz - Cun deliberaziun nr. 481 di 28.04.2015 á la Junta provinciala aprové, aladò dl art. 3 dl DPR nr. 752 di 27.07.1976, le conzet por l'ejam de ladin nù che i candidac y les candidates messará fá dal proscimo ann inant.

Denanco pié ia cun l'ejam nù oress le Sorvisc Ejams de bi- y trilinguism de Balsan fá na proa danfora, n pre-test, por odèi sce les modalitès d'ejam vá bun. Porchël vègnel chirí porsones che oress porvé da fá l'ejam de ladin nù.

Dates dles proes

Les proes por l'ejam nù vègn tignides dotes cantes da sènta dl Sorvisc Ejams de bi- y trilinguism a Balsan, Str. Dr.-Julius-Perathoner 10, secunda alzada.


livel A - en lönesc, ai 16 de jená, dales 8.30 ales 13.30

livel B - en mertesc, ai 17 de jená, dales 8.30 ales 13.30

livel C - en mercui, ai 18 de jená, dales 8.30 ales 13.30

livel D - en jöbia, ai 19 de jená, dales 8.30 ales 13.30

Por podèi fá la proa d'ejam (pre-test), mëssel almanco ester 15 porsones por vigni livel che fej para, porchël Ves periunse bel da Ves anunzié pro le Sorvisc Ejams de bi- y trilinguism, cherdan sò le numer 0471/413920 o menan na e-mail ala porsona inciariada, Karin Ranzi - karin.ranzi@provinz.bz.it – che tol ince sò les iscriziuns.



De jená é la poscibilité da porvé fora l'ejam de trilinguism nù, por duc i livl.